

PROCEDIMENTO PARA A ACREDITACIÓN DAS COMPETENCIAS DIXITAIS DO ALUMNADO

Ven, 08/03/2024 - 16:43 — admin

- [Comunicacións da Xefatura de Estudos](#) [1]

ATENCIÓN: A información que segue non se aplica ao alumnado que cursa 2º de bacharelato no réxime de adultos. Non existen aínda instrucións para este alumnado. Cando teñamos máis información comunicaráselle dende a xefatura de estudos de nocturno.

ACREDITACIÓN DO ALUMNADO DE EDUCACIÓN SECUNDARIA OBLIGATORIA

1. O alumnado que obteña o título de graduada ou graduado en educación secundaria obrigatoria recibirá o certificado que acredite o nivel de iniciación.

2. O alumnado matriculado en 4º de educación secundaria obrigatoria poderá presentarse a unha proba específica co obxectivo de acreditar os coñecementos, habilidades e actitudes propias do nivel intermedio.

3. O alumnado que titule ou que supere a proba específica recibirá a certificación ComDix de nivel iniciación ou de nivel intermedio, respectivamente. As ditas certificacións serán emitidas de oficio conforme aos procedementos establecidos no Marco galego de competencias dixitais e no Rexistro de certificacións en competencias dixitais, de acordo co que se recolla no documento Bases para o desenvolvemento do Marco galego de competencias dixitais.

4. A acreditación do alumnado terá unha validez de cinco anos a partir da data da proposta de título da alumna ou o alumno ou da realización da proba específica.

ACREDITACIÓN DO ALUMNADO DE BACHARELATO

1. A obtención do título de bacharel acredita que a alumna ou o alumno ten os coñecementos, habilidades e actitudes das áreas de dominio 1, 2, 3 e 5 do nivel intermedio descritas no Marco galego de competencias dixitais.

2. O alumnado matriculado en 2º de bacharelato poderá presentarse a unha proba específica co obxectivo de acreditar os coñecementos, habilidades e actitudes propias da área de dominio 4 do nivel intermedio descritas no Marco galego de competencias dixitais.

3. No caso de que unha alumna ou un alumno obteña o título de bacharel e ademais supere a proba específica da área de dominio 4 do nivel intermedio, recibirá a certificación ComDix que acredita o nivel intermedio. A dita certificación será emitida de oficio conforme aos procedementos establecidos no Marco galego de competencias dixitais e no Rexistro de certificacións en competencias dixitais, de acordo co que se recolla no documento Bases para o desenvolvemento do Marco galego de competencias dixitais.

4. O alumnado que titule sen superar a proba específica e o alumnado que non titule e supere a proba específica poderá solicitar no centro docente un documento que acredite os coñecementos, habilidades e actitudes das áreas de dominio de competencias dixitais de nivel intermedio superadas.

O documento de acreditación terá unha validez de cinco anos a partir da data da proposta de título da alumna ou o alumno ou da realización da proba específica.

REQUISITOS DO ALUMNADO PARA PARTICIPAR NAS PROBAS ESPECÍFICAS

O alumnado que desexe participar nas probas específicas deberá cumprir os seguintes requisitos:

- a) Estar matriculado en 4º de educación secundaria obrigatoria para presentarse á proba específica que acredita as competencias dixitais de nivel intermedio.
- b) Estar matriculado en 2º de bacharelato para presentarse á proba específica que acredita a área de dominio 4 de competencias dixitais de nivel intermedio.

SOLICITUDE E INSCRICIÓN NAS PROBAS ESPECÍFICAS

O alumnado de 4º de educación secundaria obrigatoria e o alumnado de 2º de bacharelato que desexe realizar a proba específica solicitará a súa inscrición empregando o [seguinte modelo](#) [2] que deberá entregarse debidamente cuberto na secretaría do centro antes das 12:30 horas do venres 15 de marzo.

CONVOCATORIA DAS PROBAS ESPECÍFICAS

1. As convocatorias de probas específicas, no curso 2023/24, realizaranse consonte ao seguinte calendario:

- a) A proba específica que acredita a área de dominio 4 de nivel intermedio realizarase durante o mes de abril (alumnado matriculado en 2º de bacharelato).
- b) A proba específica que acredita o nivel intermedio realizarase durante o mes de maio (alumnado matriculado en 4º de ESO).

2. As probas realizaranse nos centros docentes que impartan a etapa de educación secundaria obrigatoria ou bacharelato con alumnado inscrito o día e no horario que se estableza segundo o número de alumnado interesado e a dispoñibilidade de equipos informáticos do centro. Informarase do día e da hora coa antelación suficiente.

A convocatoria de cada proba específica será única.

INFORMACIÓN SOBRE AS PROBAS ESPECÍFICAS

1. A proba específica para acreditar o nivel intermedio axustarase ás cinco áreas de dominio definidas no Marco galego de competencias dixitais (<https://competenciasdixitais.xunta.gal/areas.html> [3]). A alumna ou o alumno debe responder nun tempo máximo de 90 minutos un total de 60 preguntas de diferente complexidade e tipoloxía referidas a cada unha das cinco áreas de dominio (12 preguntas por cada área). Para superar a proba específica de nivel intermedio deberase responder correctamente a un 70% do total de preguntas, sendo necesario obter un mínimo do 60% de respostas correctas en cada unha das cinco áreas.

2. A proba específica para acreditar a área de dominio 4, Seguridade e privacidade, axustarase á definición de dita área no nivel Intermedio no Marco galego de competencias dixitais (<https://competenciasdixitais.xunta.gal/areas.html> [3]). A alumna ou o alumno debe responder nun tempo máximo de 20 minutos un total de 12 preguntas de diferente complexidade e tipoloxía. A proba específica da área de dominio 4 do nivel intermedio considerarase superada ao responder correctamente ao 60% das preguntas.

Na seguinte [ligazón](#) [4] pódese acceder a unha demo da proba de acreditación.

ACREDITACIÓN DE PERSOAS QUE OBTIVISEN O TÍTULO DE EDUCACIÓN SECUNDARIA

OBRIGATORIA NOS CURSOS 2021/22 OU 2022/23

As persoas que obtivesen o título de educación secundaria obrigatoria nos cursos académicos 2021/22 e 2022/23 tendo participado no programa E-Dixgal nun mínimo de tres cursos académicos poderá solicitar a acreditación das competencias dixitais no centro no que rematase cuarto de educación secundaria obrigatoria.

Para máis información poden consultarse as seguintes ligazóns.

[Competencia dixital do alumnado \(información, modelos de proba, ...\) \[4\]](#)

Normativa: [Resolución do 28 de febreiro de 2024, da Dirección Xeral de Ordenación e Innovación Educativa, pola que se ditan instrucións para a acreditación das competencias dixitais do alumnado que cursa ensinanzas de educación secundaria obrigatoria e bacharelato na Comunidade Autónoma de Galicia no curso 2023/24.](#) [5]

Adxunto

[Solicitud_Inscripción.pdf](#) [6]

Tamaño

160.18 KB

URL de Orixe (recibido en 15/05/2024 - 12:08):

<https://www.edu.xunta.gal/centros/iesnumero1ribeira/?q=node/1887>

Enlaces:

[1] <https://www.edu.xunta.gal/centros/iesnumero1ribeira/?q=taxonomy/term/164>

[2] http://www.edu.xunta.gal/centros/iesnumero1ribeira/?q=system/files/Solicitud_Inscripci%C3%B3n.pdf

[3] <https://competenciasdixitais.xunta.gal/areas.html>

[4] <https://www.edu.xunta.gal/portal/competenciadixital/alumnado>

[5] http://www.edu.xunta.gal/centros/iescacheiras/system/files/Resoluci%C3%B3n%2028%20de%20febreiro_Acreditaci%C3%B3n%20dixital.pdf

[6] https://www.edu.xunta.gal/centros/iesnumero1ribeira/?q=system/files/Solicitud_Inscripci%C3%B3n.pdf